



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2018 жылғы 17 сәуір

Ұлттық Банкте қаржы нарығының сарапшыларымен кезекті кездесу өтті

Қазақстан Ұлттық Банкінің өкілдері бүгін сарапшылармен кездесу барысында 2018 жылғы 16 сәуірде қабылданған ҚРҰБ-тың базалық мөлшерлеме бойынша шешімін, сондай-ақ қаржы реттеушісінің ақша-кредит саясатының негізгі бағыттары бойынша өзекті мәселелерді талқылады.

«Қазақстан Республикасының Ұлттық Банкі базалық мөлшерлемені +/-1% дәлізімен 9,25%-ға дейін төмендету туралы шешім қабылдады. Ұлттық Банк ағымдағы жылдың соңына дейін және келесі жылы инфляцияны төмендетуге бағытталған үрдісті жалғастыруға қатысты өзінің бағалауларын растайды, - деді өзінің кіріспе сөзінде Қазақстан Ұлттық Банкінің Зерттеулер және статистика департаментінің директоры Виталий Тутушкин.

Ол инфляциялық күтулер төмендегенін атап өтті. «Ресейдің қор және валюта нарықтарында байқалған құбылмалылыққа қарамастан, сыртқы сектордың іргелі факторларының әсері орта мерзімді кезеңде жағымды деп бағаланады. Ұлттық Банктің бағалауы бойынша, макроэкономикалық көрсеткіштердің ағымдағы серпіні сақталған кезде инфляция 2018 жылы 5-7%-дық нысаналы дәліз шегінде болады», - деп түсіндірді В. Тутушкин.

Сондай-ақ ол наурызда **инфляцияның жылдық деңгейі** 6,6%-ды құрағанын айтып берді. Өндірушілер шығасыларының өсуі, әлемдік нарықтардағы бағалардың өсуі әсерінен импорттың кейбір қымбаттауы және халық тарапынан ішкі сұраныстың байқалып отырған күшеюі негізгі инфляциялық факторлар болып қалуда.

В. Тутушкиннің айтуы бойынша, халықтың **инфляциялық күтулері** қалыпты төмендеуін жалғастырды. «Халықтың пікіртерім нәтижелерін бағалау 2016 жылдың басынан тарихи минимумға қол жеткізе отырып, бір жыл алға күтілетін инфляция 2017 жылғы желтоқсандағы 7,1%-дан ағымдағы жылғы наурызда 5,8%-ға дейін төмендеуді көрсетті. Наурызда қабылданатын инфляция көрсеткіштері ақпанмен салыстырғанда сол деңгейде сақталды. Өткен жылғы тауарлардың бағасы бұрынғыға қарағанда тез өсті деп санайтын респонденттердің үлесі 49% болды», - деді кездесу қатысушыларына В. Тутушкин.

Экономикалық белсенділік туралы сарапшылардың сұрақтарына жауап бере отырып, В. Тутушкин **экономикалық белсенділік** оң серпінді көрсетуді жалғастырып отырғанын айтып берді. 2018 жылғы қаңтар-ақпанда қысқа мерзімді экономикалық индикатор жылдық көрсетуде 5,2%-ға өсті.

«Тау-кен өндіру және өңдеу өнеркәсібінде, ауыл шаруашылығында, саудада және көлікте өсудің оң қарқыны сақталды. Сонымен қатар, құрылыстың 4,5%-ға төмендеуі байқалады. Негізгі капиталға инвестициялардың өсуі 2018 жылғы қаңтар-ақпанда 54,4% болды», - деді ол.

Кездесуге қатысушылар **сыртқы нарықтардағы** ахуалды да талқылады. В. Тутушкин атап өткендей, сыртқы нарықтардағы ахуал Қазақстан үшін қолайлы болып қалуда. «Сыртқы сектор тарапынан іргелі факторлардың серпіні базалық мөлшерлеме бойынша алдыңғы шешіммен салыстырғанда өзгерген жоқ. Жыл басынан мұнайдың бағасы орташа алғанда бір баррель үшін 65 АҚШ долларынан жоғары деңгейде қалыптасуда. Негізгі сауда әріптес елдердегі инфляцияның қарқыны қалыпты деп бағаланады. Соңғы бірнеше күнде ішкі валюта нарығындағы қысқа мерзімді құбылмалылықтың себебі болған саудадағы әріптес елдер, негізінен Ресей Федерациясы тарапынан тәуекелдердің әсері қысқа мерзімді және қалыпты деп бағаланады. Осыған байланысты Ұлттық Банк теңге бағамының әлсіреуіне жауап ретінде ақша-кредит талаптарын қатаңдатуды қажет деп санамайды», - деді ол.

В. Тутушкин сөзін қорытындылай келе **ақша-кредит талаптары** баға тұрақтылығын қолдау және экономикалық өсу қарқындарына әлеуетті мәндер деңгейінде қол жеткізуге көмек көрсету арасындағы теңгерімділікті сақтай отырып, экономикаға ықпал етудің бейтарап сипатына қол жеткізуін жалғастыруда екендігін қоса айтты. Бұл ретте Қазақстан Республикасының Ұлттық Банкі 2018 жылы бейтарап ақша-кредит талаптарының сақталуын қамтамасыз ете отырып, базалық мөлшерлемені бірте-бірте төмендету саясатын жалғастырады.

Сарапшылар, өз кезегінде, ағымдағы жағдай және елдің қаржы нарығындағы өзгерістер туралы дәйекті ақпарат алуға мүмкіндік беретін осындай кездесулер өткізудің маңыздылығын атап өтті.

Қазақстан Ұлттық Банкінің сараптамалық қоғамдастықпен осы кездесуді қаржы реттеушісінің нарықпен және жұртшылықпен белсенді байланыс жасау саясаты шеңберінде тұрақты негізде өткізетіндігін еске сала кетейік. Базалық мөлшерлеме бойынша келесі шешім 2018 жылғы 4 маусымда Астана уақыты бойынша сағат 17.00-де жарияланатын болады.

Толығырақ ақпаратты БАҚ өкілдері мына телефон бойынша алуға болады:

+7 (727) 704 585

e-mail: press@nationalbank.kz

www.nationalbank.kz